

Segun Minister di Energia Mike de Meza, Gobierno su man ta mara pa awo

Valero tin 3 aña pa busca solucion pa e refineria sino nan mester entrega e tereno

ORANJESTAD – E tereno cu e refineria Valero ta estableci actualmente riba dje ta den man di e compania Valero mes. Minister Mike de Meza a bisa BON DIA ARUBA cu e compania a adkiri derecho di e tereno aki desde cu na a cumpra e refineria for di El Paso/Coastal. Apesar di esaki tin un acuerdo cu e refineria, cu na momento cu e refineria

no ta den operacion mas, nan tin 3 aña pa tuma un decision kico ta bira futuro di e compania aki of mester traspara e tereno bek pa Gobierno.

OPCION

Si Valero no haya ningun cumprado y Gobierno tampoco logra algo, Valero mester entrega e tereno. Si Valero no ta haci uzo di dje mas, e ora

ta yega tres aña cu e mester entrega esaki. E ta un discusion huridico na final di dia. Ta spera cu dia e momento aki yega, cu por yega na un solucion aceptabel pa tur hende na momento aki. E ora ey mester wak prome cu esey caba kico ta bay pasa cu e tereno.

EVALUACION

Actualmente Gobierno ta evaluando varios opcion. Entre nan ta evaluando un posibel expansion di e operacionnan di transshipment. Esaki ta haci cu e operacion di transshipment ta bira mas efectivo y na mes momento ta contribui na economia di San Nicolas y Aruba. un posibel

reapertura di e refineria tambe ta den discusion, pero tambe un posibel desmantelacion di full e area aki. E ultimo aki tin un costo halto cune di entre 600 miyon pa 1 biyon dollar. Na momento cu yega e proceso aki, ta bira e discusion ken ta bay paga pa e desmantelacion aki.

SOLUCION

Tin un acuerdo cu a keda firma na 1989 cu a keda firma pa Gabinete Oduber 1(MEP) cu a duna hopi na e refineria Coastal cu a pasa esaki te na Valero, door di compra di e accionnan. Mester biba cu e situacionnan aki, pero na final di dia Gobierno ta cera di

yega na un solucion. De Meza a bisa cu nan ta tirando un bista y analisando e posibilidad pa drecha e area di e refineria.

Ta buscando otro alternativanan den forma di industria of sanea e area aki completamente. P orta construi hotel, waf of otro industrianan limpi, di energia alternativo, pero tin diferente alternativanan den estudio actualmente cu Carbon War Room, New American Foundation, Gobierno su departamentonan y TNO. De Meza a bisa cu nan ta buscando diferente solucionnan pa e area cu actualmente ta den discusion riba dje. □

Segun Minister di Energia Mike de Meza, den proceso di exploracion

Varios compania internacional ta mustrandu interes den e refineria

ORANJESTAD – Segun Minister di Energia Mike de Meza, den proceso di exploracion,

varios compania internacional ta mustrandu interes den e refineria. E hecho cu e refineria no ta den operacion actualmente, no ta nifica cu e refineria no por funciona den futuro. Minister di Energia Mike de Meza a bisa cu den e proceso pa implementa un sistema di gas likido na Aruba, varios compania a expresa interes, entre nan e compania Shell.

ACUERDO TERENO

E mandatario a indica cu Valero ta doño di e refineria ainda. Valero a tuma over e contract di El Paso algun aña atras y a haya derecho riba e tereno. Desde cu Coastal a firma nan acuerdo hopi aña atras, nan a haya 60 aña di erfpacht pa e refineria y esaki a keda transferi pa tur e companianan cu a opera e refineria despues. Den aña 2012 a bin cu acuerdonan nobo. Na momento cu Valero of cualkier otro compania no uza e tereno, nan tin tres aña pa tuma un decision.

OPERACION

Actualmente Valero ta den su transshipment y e ta haciendo uzo di e habilidad pa haci transshipment y e ta invertiendo den dje. No mesun tanto cu tempo e tabata un refineria, pero e ta invertiendo. Ainda Valero ta buscando solucion pa e posibilidad pa un refineria, lamentablemente te ainda nan no a logra concretisa algo fiho den e proceso aki.

Valero ta den operacion pero riba un otro nivel. no ta asina cu e refineria no ta den uzo, pero ta haciendo uzo parcialmente di e propiedad y tereno.

RESPONSABILIDAD

De Meza a bisa cu Gobierno di su parti a haci un trabou grandi riba esaki, pero ainda ta atendiendo cu posibel potencial partnernan pa e refineria, pero e no ta facil, mirando e mercado internacional. na final di dia ta trahando riba e procesonan aki pa asina wak kico ta e miho pasonan pa tuma den futuro. Gobierno a indica cu nan ta consciente cu tin un grupo di trahado cu ta depende di e situacion aki, pero no ta asina cu ta bay laga e refineria bay sin mas.

SHELL

E mandatario a bisa cu riba e parti di gas natural likido(LNG) ta den desaroyo. Den e proceso aki a envolve Anthony Veder y Gas Uni di Hulanda. Diferente companianan grandi a dicidi di join cu e gruponan aki. tin interes pa haci un evaluacion si tin interes den e companianan, entre otro di Shell y ta algo sumamente positivo. E ta muestra e madurez cu Aruba ta aden. E ta muestra cu tin estabilidad politico caminda companianan ta keda tira bista riba pais Aruba pa inverti. De Meza a bisa cu ainda no tin ningun decision riba un nivel mas halto. Nan a bisa cu nan ta interes pa haci un evaluacion kico Aruba ta haciendo y con nan lo por pas den e proceso aki. □

Domino's Pizza

Sausage PIZZA

AWG 17.50 EACH

WITH THE PURCHASE OF TWO OR MORE MEDIUM 1-TOPPING PIZZAS

CALL NOW

Palm Beach 586 0333 | Playa/Tanki Leendert 582 0333 | Savaneta 584-0444

© 2013 Domino's